

عصافير الحزن

يا بحر الشوق
يا ليل .. يا ارموش السهر
يا وحشة وقهر
بالله خبروني عن الغياب

بليا اسباب عافوني
وخلوني
على ابواب الأمل أرتاب

متى يردون
أنا ما نامت اعيوني
وايديني
يمم بيها الندم حسرة
أصبرني اب صور ذكرى
واقول بكرة
مثل ما راحوا احبابي
يردوا من المدى أحباب

واتانيهم
أنا والليل واحروفي

من خوفي
أفزع اسمع صدی همسي
كلام ابواب

أحلم بالسما تمطر حبايبنا
ويجي باكر
ونفس الحلم يمر مرنا
سؤال يمر ويجرحنا
متى يردون؟
متى يا حلمنا الكذاب

فقدناهم
من راحوا
يمر بالبال طاريهم
نحاتيهم
على اغصان الوله تبكي
عصافير الحزن أسراب

وأفتح للفرح شباك في صدري
وأنا أدري

حزين يموت داخلها
يتوب من الهجر لكن
قلبي من الهوى ما تاب

حبايب لو يردوا لي
أحني بالفرح قلبي
وعلى دربي
رياحين اللقا أمشي وانثرها
واخلي من الورود اخضاب

ردوا يا حبايينا
 ردوا لو حلم عابر
 أخاف باكر
 ييفرقنا بعد أكثر
 ولا نقدر
 من هالهم
 السرى في اعروقتنا ك الدم
 تنهزب أو نصك الباب

منتھى القريش

قصيدة

البارحة مات في حظن الكلام العتب
تمكّن الشكّ من ذبح الشعور اليقين
حديث الأرواح بعيون القلوب إنكتب
على ضفاف الجراح اللي نستنها السنين
اللي مفارق ماهو محتاج عذر وسبب
أشهره على اللي يهزه فـ/ الغياب الحنين
الحبّ وحده يدليّ لك غصون العنب
الحبّ ضعفي وأنا سيد الكلام الرزين
عرّضت صدري من الضيقة لصدر المهيب
أبيه يقطف بقايا ضحكة الياسمين
كتبت ياما كلام من الزعل وإنشطب
خفت القسايد تموت بزحمة العابرين
أحيان الإنسان يختار الطريق الصّعب
أحيان تستدرج الذكري الشعور الحزين
يا غيمة الحلم ما بلّ الحضور الجذب
ولا طرى لك على كثر الضمى تمطرين
البارحة بعثت فضة وإشتريت الذهب
البارح الصمت كان أبلغ كلام ثمين

نواف التركيے

في [تضاريس الحياة أكثر تفاصيل الكتابه
يا تضاريس الحياة أحتاج أنا بعض الرحابه
مدي لوصلي .. كفوف الغيم .. قطرات المني
يا تفاصيل الهنا
هذا أنا

الزمن هذا « شحيح » بكل شيء
مدلي كف الوصال وقال : « عي »
ليه أعيي
يا زمن شفني عصيت
يا زمن دورت زيي
مالقت

لن أجد مثلي دخيلك ماحييت
يا زمن تدري وش الفرق [الكبير
بيني وبين النجاه
كلنا تفسير واحد
بس

عكس الاتجاه
يازمن مريت فيها عابر أحتاج لمؤنه
طحت دونه

انتشلت الصدق .. من قلب الظروف
ومرت الأيام خوف .. يذف خوف
ولجل تمشي بالحياة
تسوي نفسك ماتشوف
الحياة أحيان .. ماتعطيك شي
هذا لا يعني بانك غير حي
الحياة انك تنفس

بعد كبت
الحياة انك تأثر
لا كتبت

الحياة أنك قبل لا تركبها
تعرف شلون أُرْتَكِبَتِ
الحياة أنْ بغيابك
تعرف أكثر ليه غبت
الحياة تعيش فيها تجربتها
حتى لو أنك رسبت
الحياة يموت سبت
وتنتظر
ويجيك سبت
باختصار !!!

ناجیہ الطرقيہ